

Proton tawar diskaun periksa kereta

KUALA LUMPUR: Proton Holdings Berhad menawarkan diskaun kepada pemilik kereta bagi mendapatkan alat ganti untuk kenderaan mereka yang dimasuki air akibat banjir yang melanda beberapa negeri ketika ini.

Mereka dinasihatkan membawa kenderaan masing-masing untuk pemerik-

saan di pusat servis Proton berdekatan atau bengkel servis yang dilantik.

Pengarah Urusan Proton Holdings, Datuk Syed Zainal Abidin Syed Mohamed Tahir, berkata juruteknik Proton bersedia ditugaskan untuk memudahkan pemeriksaan terhadap kenderaan yang rosak dan memberi khidmat nasihat perlu ke-

pada pemilik kenderaan.

Menurutnya, Proton Edar turut menawarkan pakej istimewa kepada pemilik kereta Proton yang rosak akibat banjir.

“Tawaran istimewa ini diharapkan dapat meringankan beban pemilik kereta mangsa banjir,” katanya dalam satu kenyataan di sini, semalam. — Bernama